

Bosna i Hercegovina
Federacija Bosne i Hercegovine
KANTON SARAJEVO
KANTONALNA JAVNA USTANOVA
„GERONTOLOŠKI CENTAR“
SARAJEVO
Broj: 18-04- *1166/24*
Sarajevo, 29.03.2024. god.

Na osnovu člana 18. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo („Službene novine Kantona Sarajevo“ br. 17/15 i 18/22), člana 42. stav (2) alineja m) Pravila Kantonalne javne ustanove „Gerontološki centar“ Sarajevo, broj: 07-1070/13 od 26.11.2013.god., broj: 13-999/19 od 15.07.2019.god. i broj: 16-1739/22 od 05.12.2022.godine, članova 68. i 98. Pravilnika o radu sa unutrašnjom organizacijom i sistematizacijom poslova KJU „Gerontološki centar“ Sarajevo, broj: 16-1838/22 od 22.12.2022.god. i broj: 17-2590/23 od 23.10.2023.god., i Zahtjeva radnika Gerontološkog centra Kartal Fate, broj: 118/1180 od 20.03.2023. god., Direktor KJU „Gerontološki centar“, d o n o s i:

O D L U K U

o isplati jednokratne novčane pomoći

1. Radniku KJU „Gerontološki centar“ Sarajevo, **KARTAL FATI**, zaposlenoj na neodređeno vrijeme na radnom mjestu Spremačica (Ugovor o radu broj: 16-2089/22 od 31.12.2022.god.), zbog teške bolesti, odnosno teške invalidnosti, koja zahtijeva kontinuirano i dugotrajno liječenje, **ODOBRAVA SE** isplata jednokratne novčane pomoći, u iznosu tri prosječne neto plaće isplaćene u Federaciji BiH, prema posljednjem objavljenom statističkom podatku, u iznosu **4.014,00-KM** (Slovima:Četirihiljadečetnaest KM).

2. Za izvršenje ove Odluke zadužuje se Služba materijalno-finansijskih i računovodstvenih poslova Gerontološkog centra.

3. Odluka stupa na snagu danom donošenja.

O b r a z l o ž e n j e:

Radnik KJU „Gerontološki centar“ Sarajevo, Kartal Fata, obratila se sa zahtjevom za odobravanje jednokratne novčane pomoći, koja joj je neophodna u cilju nastavka liječenja teške bolesti, odnosno teške invalidnosti, koja zahtijeva kontinuirano i dugotrajno liječenje.

Slijedom odredbe iz člana 18. stav (2) Zakona o plaćama i naknadama u javnim ustanovama iz oblasti socijalne zaštite u Kantonu Sarajevo („Službene novine Kantona Sarajevo“ br. 17/15 i 18/22) i člana 68. stav (4) Pravilnika o radu sa unutrašnjom organizacijom i sistematizacijom poslova KJU „Gerontološki centar“ Sarajevo, broj: 16-1838/22 od 22.12.2022. god. i broj: 17-2590/23 od 23.10.2023.god., imenovana je dostavila dokaze o kvalifikaciji težine bolesti, odnosno dostavila je medicinsku dokumentaciju i Potvrdu broj: 07-360/23 od 09.03.2023. godine izdatu od strane JU Zavod za zdravstvenu zaštitu zaposlenika MUP-a Kantona Sarajevo, u kojoj se između ostalog navodi da se bolest – povreda za koju je priložena medicinska dokumentacija, smatra teškom u smislu odredbe člana 3. Uredbe o naknadama koje nemaju karakter plaće (Sl. novine Kantona Sarajevo br.17/19), na osnovu rješenja o 60% invalidnosti iz 2017. godine.

Imenovana je također dostavila nalaz i mišljenje Instituta za medicinsko vještačenje zdravstvenog stanja Sarajevo broj: dif-sa-436/23 od 25.12.2023. god., u kojem se između ostalog navodi da se kod Kartal Fate radi o teškoj bolesti po Listi bolesti i teškim tjelesnim povredama, temeljem kojih državni službenici-namještenici ostvaruju pravo na naknadu za slučaj teške bolesti („Službene novine FBiH“, broj: 30/05), kao i ostali uposlenici pravnih lica u javnom ili privatnom vlasništvu na nivou općine, grada, kantona ili FBiH. Također se navodi da kod imenovane postoji tjelesno oštećenje po Listi invaliditeta („Službene novine FBiH“, broj: 63/21).

Članom 18. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo („Službene novine Kantona Sarajevo“ br. 17/15 i 18/22), propisano je da se u slučaju nastanka povrede na radu, teške invalidnosti ili teške bolesti zaposlenika, ili člana njegove uže porodice, zaposleniku isplaćuje jednokratna novčana pomoć u visini od tri prosječne neto plaće isplaćene u Federaciji Bosne i Hercegovine prema zadnjem objavljenom statističkom podatku.

Prema posljednjim objavljenim podacima, tri prosječne neto plaće isplaćene u Federaciji BiH iznose 4.014,00 KM.

Imajući u vidu naprijed navedeno, odlučeno je kao u dispozitivu.

Dostavljeno:
1x imenovanoj
1x dosije imenovane
1x Sl.mat.-fin.rač.posl.GC
1x a/a



DIREKTOR

Mirza Musa